

Date : 07 Ogos 2018
Title : UNITEN terus lakar kecemerlangan
Publication : Berita Harian
Page : 66

Ms.66

Selasa, 7 Ogos 2018 BH

→ PENDIDIKAN

UNITEN terus lakar kecemerlangan

→ Kebolehpasaran
graduan capai
tahap 95 peratus

Oleh Meor Ahmad Nasriin
Rizal Ishak

meor.ahmad@bh.com.my

► Kuala Lumpur

Dengan memperkasakan aspek pengajaran dan pembelajaran dalam melahirkan pelajar yang cemerlang, Universiti Tenaga Nasional (UNITEN) membuktikan pencapaiannya menerusi kebolehpasaran graduan pada tahap 95 peratus.

Canselornya, Tun Abdul Rahman Abbas, berkata pada masa ini, sebanyak 31.6 peratus graduannya diambil bekerja oleh syarikat multinasional yang membuktikan lepasan universiti itu menepati kehendak syarikat berkenaan.

"Selain menjadi pilihan syarikat swasta multinasional, graduan UNITEN turut mengambil inisiatif mewujudkan peluang pekerjaan dengan berkecimpung dalam bidang keusahawanan.

"Sehingga tahun lalu, sebanyak

5.5 peratus graduan menjadi usahawan dan ini menunjukkan perkembangan positif dalam menyokong aspirasi kerajaan bagi melahirkan graduan yang holistik, seimbang dan berciri keusahawanan," katanya pada Majlis Konvokesyen ke-21 UNITEN, di sini, baru-baru ini.

Diiktiraf dunia

Majlis konvokesyen selama tiga hari itu menyaksikan seramai 3,145 pelajar bergraduasi menjadikan 30,874 graduan dilahirkan oleh UNITEN sejak penubuhannya pada tahun 1997.

Selain itu, Majlis Anugerah Kecemerlangan Industri Graduan 2018 (AIG) turut diadakan bagi memberi penghargaan kepada graduan yang cemerlang dalam bidang pengajian dan aktif dalam kokurikulum.

Kecemerlangan UNITEN pada peringkat global turut terbukti apabila diiktiraf QS World University Rankings 2018/2019 untuk berada dalam kelompok 750 universiti terbaik dalam kalangan lebih 27,000 universiti di dunia.

Bagi QS World University Rankings by Subject dalam bidang kejuruteraan dan teknologi pula menyaksikan universiti swasta itu mem-



Selain menjadi pilihan syarikat swasta multinasional, graduan UNITEN turut mengambil inisiatif mewujudkan pekerjaan dengan berkecimpung dalam bidang keusahawanan"

Abdul Rahman Abbas,
Canselor UNITEN

perbaiki kedudukan pada tangga ke-255 di dunia pada tahun ini berbanding kedudukan 371, tahun sebelumnya.

Lahirkan atlet

Buat julung kalinya, universiti itu turut menerima pengiktirafan daripada Times Higher Education University Rankings dengan berada pada kedudukan 171 di Asia, ke-13 di Asia Tenggara dan ke-7 di Malaysia.

Selain itu, Abdul Rahman berkata, UNITEN turut membuktikan kehebatan dalam bidang sukan apabila merangkul juara Liga Hoki Wanita Malaysia TNB 2018 dengan 12 pemain terpilih mewakili pasukan hoki dewan dan hoki padang pada Sukan SEA 2017 yang menyumbang pingat emas dan gangsa untuk kontinjen negara.

"Seramai 10 pemain hoki wanita UNITEN turut terbahit dalam Women's Asian Champions Trophy pada 13 hingga 20 Mei lalu, di Donghae City, Korea Selatan.

"Dalam acara sukan Floorball pula, dua pemain UNITEN mewakili negara pada Kejohanan Floorball Kelayakan Piala Dunia (Peringkat Asia-Oceania) di Pulau Jeju, Korea Selatan, pada Januari lalu," katanya.

Info

Kecemerlangan UNITEN

→ Daripada 3,145 graduan, seramai 31 graduan adalah kumpulan kedua program Pensijilan Tahfiz al-Quran UNITEN-Jabatan Kemajuan Islam Malaysia (JAKIM)

→ Menyaksikan seramai 51 graduan peringkat diploma, ijazah sarjana muda dan pascasiswazah menerima 60 anugerah yang ditaja oleh 32 syarikat pada majlis AIG 2018

→ Meraih 37 pingat membatikan 14 pingat emas, 20 perak dan tiga gangsa pada International Invention, Innovation and Technology Exhibition 2018

→ Melantik lapan Profesor Tersohor melalui inisiatif 'Strategic Hires' dalam lima bidang berkaitan tenaga dan kejuruteraan kuasa dari seluruh dunia untuk membangunkan kepakaran serta meningkatkan reputasi UNITEN pada peringkat antarabangsa